

ডেস্ক রিপোর্ট | আন্তর্জাতিক | 28 March, 2025

ভারতের ছত্তিশগড় রাজ্যের সুকমা জেলায় কমপক্ষে ১৬ জন মাওবাদীকে হত্যা করেছেন ভারতীয় নিরাপত্তা বাহিনী। ভারতীয় সংবাদমাধ্যম এনডিটিভির প্রতিবেদনে পুলিশের বরাত দিয়ে বলা হয়েছে, নিরাপত্তা বাহিনীর সঙ্গে বন্দুক যুদ্ধে হতাহতের ঘটনা ঘটে। এতে দুই জন নিরাপত্তা কর্মীও আহত হয়েছেন।

এক কর্মকর্তা জানিয়েছেন, নিরাপত্তা কর্মীদের একটি যৌথ দল মাওবাদী বিরোধী অভিযানে গেলে আজ শনিবার সকালে কেরলাপাল থানা এলাকার একটি জঙ্গলে বন্দুকযুদ্ধ শুরু হয়।

ওই কর্মকর্তা বলেন, কেরলাপাল এলাকায় মাওবাদীদের উপস্থিতির তথ্যের ভিত্তিতে গতকাল শুক্রবার রাতে শুরু হওয়া এই অভিযানে জেলা রিজার্ভ গার্ড (ডিআরজি) এবং কেন্দ্রীয় রিজার্ভ পুলিশ ফোর্সের (সিআরপিএফ) কর্মীরা অংশ নেন। এখন পর্যন্ত সংঘর্ষের স্থান থেকে ১৬ জন মাওবাদীর মৃতদেহ উদ্ধার করা হয়েছে। অভিযান এখনো চলছে।

তিনি আরও জানান, এই ঘটনায় দুই জন নিরাপত্তা কর্মী সামান্য আহত হয়েছেন।

নিরাপত্তা বাহিনী ভারত পুলিশ